

* * *

Հրացաններ են ճայթում սրտիս մեջ,
 Հրացաններ են ճայթում անդադար,
 Ու լաց են լինում սարսափած ու խեղճ
 Որք երեխաներ անթիվ, անհամար:

- 5 – Ինչո՞ւ եք լալիս, անմեղ փոքրիկներ...
 Ձեր հայրերն ընկա՞ն <ամենը> կռուվում...
 էլ ոչ ոք չըկա՞, որ ձեզ պաշտպանի...
 Վախենո՞ւմ եք դուք էս շար աշխարհում...
 Խեղճ երեխաներ, անիծվի աշխարհն,
 10 Ուր որ դողում է ձեր մանուկ հոգին,
 Անիծված լինի, քանդվի, կործանվի
 Իրեն մթերած շարունթյան տակին...

- Հրացաններ են ճայթում սրտիս մեջ,
 Հրացաններ են ճայթում անդադար,
 15 Ու լաց են լինում սարսափած ու խեղճ
 Հայրեր ու մայրեր, անթիվ, անհամար:

- Ինչո՞ւ եք լալիս, դժբախտ ծնողներ,
 Ձեր որդիքն ընկա՞ն <1 անընթ> կռուվում.
 էլ բան չըմնաց կյանքում ձեզ համար,
 20 էլ ոչ ոք չըկա՞ ձեզ մխիթարի.
 Ու ողբում եք դուք դատարկ աշխարհում...
 Դժբախտ ծնողներ, անիծված լինին,
 Որ դատարկեցին ձեր կյանքը էսպես.

Հրացաններ են ճայթում սրտիս մեջ,
25 Հրացաններ են ճայթում անդադար,
Ընդհանուր սուգ է ծավալվում անվերջ
Ու պաղ ոռնում է ժամանակը շար:

Եվ ժամանակը լինի անիծված,
Եվ աշխարհքը լի չարով ու թուլնով,
30 Եվ մեր երգերը լինին անիծված՝
Լիքը արցունքով, լիքը արյունով: